

# С О В Е Т И Н Э Г Л К Ё Н

„Кировский“ совхозин клубд, суньгъврин 76-ч номертӓ Яшкульск округин суньгъачнр хурцхав. Эдн Хальмг АССР-н Деед Советин депутатин кандидат ӱр Кермен Хараевна Гаряевала харгъв.

Трибун леер итклтӓ кӱн, ӱр Дживанов Б. Т. ӱг авад келв:

— Кермен Гаряева арвн дӱрвгӓгъӓсн авн ӱнчн йовсн кӱ-ӱкн, 1944- джилӓс авн 1953 джил кӱртл Новосибирск областгӓд хар кӱдлмшт кӱдлдж йовла, 1953 джилӓс авн 1958 джил кӱртл тендӓн малин саальч кӱдлдж йовад, кесг дакдж ӱнтӓ белгӓр мӱрӓлгд-смн.

1958 джилин апрель сарас авн „Кировский“ совхозин 4-ч фермд хӱбч болдж кӱдлнӓ. Эднӓ бригад 1250 хӱ хӓ-рӱлджӓнӓ. 6 сарин туршт нег чигн гару уга хӓлӓгъӓд, ноос авх зурагъан кӱцӓв.

Хальмг АССР-н Деед Советин депутатин кандидат темд-глхд, мана совхозин кӱч-

кӱлсчнр боли ӱӱлд церглӓчнр ик байртагъар, нертӓ хӱбчӓн темдглӓ. Тегӓд депутатин кандидат ӱр К. Х. Гаряева мана итклиг сӓн кевӓр кӱцӓ-ӓх,—гидж ӱр Дживанов Б. Т. ӱгӓн чилӓв.

Босдж келцхӓсн ӱӱрмӱд Потняев П. С. Хальмг АССР-н Деед Советин суньгъврт нерӓдсн шӱлг умшдж ӱгв. Кичиков Т. О., Мухин Я. дуугъӓн ӱгхдӓн батта белнӓн медӱлдж келцхӓв.

Республикин Деед Советин депутатин кандидат ӱр К. Гаряева босдж келсн ӱгдӓн, ӱнн седклӓсн суньгъачнрт ханлт ӱргӓд, олн-ӓмтнӓ даалгъвриг кӱцӓдж, кӱдлмштӓн чидлӓн ӓрвлл уга кӱдлнӓв гидж ит-кӱлдж келв.

Хальмг АССР-н Деед Советин депутатин кандидат К. Х. Гаряевад хуртт цуглрсн суньгъачнр „Синий бугор“ гидг газрас райцентр хоорнд ус гӱӱлгдг турва орулхд оньган ӱгтн гидж даалгъвр ӱгв.